

**Jacobi Alvarez de Paz Opera**

De Vita Spirituali, Eivsqve Perfectione - Libri quinque

**Álvarez de Paz, Jacobo**

**Lvgdvni, 1611**

Qua regula sint opera vitae spiritualis examinanda. Cap. viij.

---

[urn:nbn:de:hbz:466:1-77833](#)

Priam laudem, honorem, delectationem, & commodum (imò & multò plus) sollicitus sit, & feruēs in claustrō ad complacendum altissimo, ad vilipendū, ad castigandum scipsum, ad promouendū creatoris honorem, laudē, & gloriam. ] Hæc Dionyfius, & optimè. Nam dux vita ista, spiritualis, & carna- lis: dux vitæ ista, conuersio ad Deum, & auerſio à Deo; Dux regiones ista, paradisus, ad quem creati sumus, & gehenna, quam pauemus, contrariæ sunt. Sicut ergo à regione nostra ( vt inquit Gregorius) superbiendo, inobediendo, visibiliæ sequendo, cibū veritum gustādo, discessimus; sic ad eam necesse est, vt flendo, obediendo, visibiliæ contemnendo, atque appetitum carnis refrāndo, redeamus. ] Et sicut in regionem istam proficisci ebamur, inanem gloriā, & vitorum quærentes obsequium: ita in illum cundum est, Dei gloriā, ac beneplacitū affectantibus. Operationes enim si in hunc scopum spiritualē vti- que referantur, & spirituales erunt, & ad hanc vitam, quam profitemur, & pertinebunt.

*Greg. bīb.  
10. in  
Evang.*

*Ioel. 2.  
23.*

*Matt. 6.  
1.  
Ioan. 8.  
50.*

*Rom. 10.  
3.*

Ne vero causaremur deesse nobis exemplar huius restitutinisi, qua omnia nostra opera sunt in Deum destinanda, dedit ipse electis suis Doctorem Iustitiae Christum Iesum, qui doceat eos, non solum iusta exequi, sed etiam iuste operari: & descendere faciat ad illos gratia imbre matutinum, & serotinū. Matutinū quidem, quod iustum corda præueniat, & serotinum, quod ea comitet, & subsequatur, ne in principio bonorum operum, aut in medio ipsorum, aut fine, à debita sibi destinatione defescant. Hoc autē erit sicut à principio. Nam quemadmodum in statu innocentia homines vniuersas actiones suas purissimè in Deum retulissent; ita & nunc in tempore gratie erudiuntur, ab hoc iustitia preceptore easdem actions in eundem scopum & finem referre. Hoc, inquam, docentur ab ipso, tum verbo, tum vita sanctissimæ exēplo. Verbo quidē, dum ait: Attende, ne iustitiam vestram faciat coram hominibus, ut videamini ab eis, alioquin mercedem non habebitis apud patrem vestrum, qui in cælis est. ] Exēplo autē: Quia ego ( inquit ) non querō gloriā meā, est qui quærat, & iudicet. ] O verbum magnæ consolationis! ò sententia dulcior melle, & fuso suauior. Nam si quod accepit caput, speramus & membra, si non glorificauerimus nos, nec inanem laudes ex bonis operibus quæserimus; si quorundam irrisiones, aliorum vero detractiones sustinuerimus: Est Deus utique summæ potentiae, qui gloriā nostram quærat, qui bona opera præ modelta abscondita manifestet, & nos in conspectu Angelorum, & hominum gloriosos efficiat. Est Deus utique summæ iustitiae, qui nos contemnentes, contemnat: persequentes, puniat: & subfannantes, irrideat. Si itaque spiritualis vita est imitatio vitæ Christi, & huius doctoris iustitiae sequela, & ille ( vt ita dicam ) spiritualior est, qui ad Christi vitam propriis accedit: manifestum est, vita spiritualis actiones, si hoc suum principium non defierant, nec ad vitam mundanam transferantur, in finem diuinæ gloriæ esse destinandas, quem Christus ipse suorum operum finem præfixit. Sicut enim non imitatur regem pro republica prælantem, qui præliatur, vt rem publicam, vel vibem euertat; & licet utraque dimicatio videatur natura similis, est tamen ratione oppositi finis vna alteri omnino contraria: Ita non imitantur Christum, qui orant, qui ie- iuant, aut verbum Dei seminant, si gloriam, & laudem propriam venari appetunt, profus diuinæ gloriæ contrariam. Nam ignorantes iustitiam Dei, & suam quærentes statuere, iustitia Dei non sunt subiecti. ] Illi vero Christum imitantur, & vitam spiri-

A tualem arripiunt, qui quod ille fecit, & ipsi faciunt, & eodem fine faciunt, nihil aliud optantes in studio virtutum, nisi vt ei placeant, cui se tutos consecra- rint.

Si itaque cupis vitam spiritualem tenere, non solum animaduertas quid agis, sed quo animo, & qao fine id agis, non solum enitaris, vt opus sit bonum, sed vt intentio & destinatio sit bona. Cum oras, vel psallis, cum ieūnas, vel comedis, cum vigilas, vel ad somnum tuum corpus componis, cum doces, aut verbum Dei seminas, & tādem dum quippian aliud facis, erige oculos cordis ad Deum tuum, & dicio illi, Domine, inanem gloriā contemno, commoditatē, aut voluptate sperno, me ipsum, & omnia mea pro nihilo duco, te solum quārō, te cupio, & ti- bi soli in hoc opere placere desidero. Hæc sit gloria mea, hæc diuitia mea, hæc delectatio mea, hoc premiū laborum meorum vt tibi placeam, licet vni- uero in mundo displiceam. Hanc intentionis rectitudinem capessandam esse in initio diei, docet Laurentius Iustinianus his verbis. Omnes igitur Christi ter- ui, cuncti Deo placere cupientes, primordia diei, & actionum conentur confecrare altissimo, quatenus cætera secutura opera à suo nō declinent principio. Vnde mox, vt à somno euigilant, semper cor sursum erigere contendant. Prima vox, prima cogitatio, pri- mus affectus, diuinam resonet laudem, ignitam ad Deū dirigat supplicationem, & illi se sincero corde committat, qui valet potenter de imminentibus periculis liberare. ] Non tamen debet amator perfe- ctionis, hac prima suorum operum oblatione fatiari, sed in principio cuiuscumque actionis, & si longa sit, in progreſſu illius, eam creatori suo offerat, & in- genti voluntatis affectu ſoli Deo placere per suum laborem exoptet. Hæc faciens, & vnitatem in con- gregatione procurans, custodit vigilias noctis ſuper gregem suum. Vnde Bernardus: Prima vigilia eft re- citatio operis, vt ad bene, quam iurasti regulam, om- nem vitam exæquare coneris, nec trāfgridiar terminos, quos posuerunt patres tui, in omnibus via, & vita huius exercitiis, non declinans ad dexterā, ne- que ad ſinistrā. Secunda, putitas intentionis, vt ſimpli- x oculus totum corpus lucidum faciat, vt quic- quid feceris, propter Deū facias, & ad locum, vnde exeat, gratia, reuertantur, vt iterum fluant. Tertia eft custodia vnitatis, vt in congregatiōne positus, vo- luntates, aliorum, tuis voluntatibus anteponas, vt nō ſolum ſine querela, ſed cum gratia inter fratres ma- neas, portans omnes, orans pro omnibus, vt de te quoque dicatur. Hic eft fratum amator, & populi Iſraēl, hic eft qui multū orat pro populo, & vni- uersa sancta ciuitate Hierusalem. ] Qui has vigilias custodierit, tamquam vitam spiritualem Deo gra- tiſſimam cōſectans, paratus inuenietur in poſtremo die, & cum virginibus prudentibus intrabit ad nu- ptias, & admittetur in gaudium Domini ſui.

B *Lau. Iusti-  
lib. de dif-  
cip. &  
perficta.  
monast.  
con. c. 10.  
ad finem.*

C *Born. ſer-  
z. in vigil-  
natuit.*

D *2. Macha-  
15.14.*

E

Qua regula ſint opera vita spiri-  
tualis examinanda.

#### C A P V T VIII.

 On ſatis eft, vt opera noſtra ad vitam spiritualē pertineant, quod ex genere bona ſint, & ad debitū ac bonum finē destinentur, ſed aliud præterea eft ne- ceſſarium, quod dux regula ſue do- cumēta pateſcāt. Nam cum vita spiritualis opera, aut ex natura ſua bona ſint, aut media, vt præſati ſu- mus: In bonis haec regula tenēda eft, vt ordo in illis, & modis, & diſcretio, & perſuerantia ferueretur.

Ordo

Luc. 11.  
42.

Isa. 1.12.

Iob. 29.  
14.Greg. 19  
morm. 14.Prov. 22.  
29.Hugo lib.  
de medit.  
ad finem.

Ordo est, ut præcedant illa, quæ debet præcedere, & quæ debent subsequi, subsequantur. Manifestum est enim prius nos vacare debere his actionibus, quæ præcepta sūt, aut his ad quas ratione status, aut munera tenemur, quæcum aliis sub cōsilio cadentibus, & libera à nobis voluntate suscepisti. Et qui ob actiones istas in cōsilio positas, illas à Deo iussas, aut omitteret, aut oscitater, propereq; præstaret, similis esset illis, quibus dixit Dominus: Væ vobis Pharisæi, qui decimatis menthā, & rutā, & omne olus, & præteritis iudiciam, & charitatem Dei.] Sicut enim isti minoria decimabant, & magna Dei præcepta nō adimplēbat, ita prædictum actionum bonarum ordinem omittentes, à se minimè postulata offerunt, & iussa ac imperato contemnunt. His incuriosis in obediente, & superstitiosis in offerendo, quod non valde necessarium est, dicit Dominus illud Ilaiae: cūm veneritis ante cōspectum meum, quis quæsuerit hæc de manibus vestris? Nō quia opera que sunt in cōsilio Deo displaceat, absit, sed quia crassa istarum omissionis, aut negligens executio præceptorū non placet. Hūc ergo bonarum actionū ordinem seruabat Beatus Iob, ita de se ipso inquiens: Iustitia induxit sum, & vestiu me sicut vestimento, & diademate iudicio meo. Oculi sui caco, & pes claudio.] Quom locū interpretas Gregorius sic ait: Cūm sancti operis exempla penitamus, intuendum nobis prius est, quām rectus narrātiō ordo seruerat, vt ante iustitiae, & pōst, misericordiæ opera describatur. Ille quippe bene agit, quæ pia sūt qui scit prius seruare quæ iusta, vt collatus in proximos riuos misericordiæ de iustitiae fōte ducatur. Nā multi proximis quasi opera misericordiæ impēdūt, sed iniustitia facta nō deserunt. Qui si veraciter proximis misericordiæ opera facerit, ita sibi ipsiſ debuerant prius iuste viuēdo misereri. Itaque ordo est, prius præcepta seruare, deinde cōsilia exercere, prius meliora, & Deo gratiora exequi, licet minus sapiāt, postea minoria, & minus grata, licet magis arrideant.

Modus est, ut bona opera feruēter & quietē exercētur. Feruens est, qui eam curā, & diligenter bonis operibus adhibet, quā rebus magni momenti, & in obsequium summi Dei factis adhibere debet. Ita sicut à Domino ex Sanctis eius, in postremo die honorem accipiet. Hoc namq; Salomon testatur, diecēs: Vidisti virum velocem in opere suo, coram regibus stabit, neque erit ante ignobiles.] Cum regibus stare est sanctis Apostolis, Martyribus, ac confessoribus annumerari: & nō esse ante ignobiles, est, in catu pigrorum, & secordium non inueniri. Quidam est, qui cuīq; operationi tempus necessariū attribuit, neque vt ad alia veniat, in huius exercitatione festinat. Qui enim semper, quod non facit, appetit, & quod facit fastidit (inquit Hugo) nec præsentibus fruatur, nec futuris satiarit. Inchoata enim ante consummationem deserit, & inchoanda ante tempus apprehēdit. Propterea bonum est, bono suo esse contentum, & præsentia bona superuenientibus bonis augere, nō pro futuris abficiere. Leuitas enim, est bonorum cōmutatio: exercitatio autem, virtutis, multumq; diversa currunt via, qui pro nouis vetera abficiunt, & qui ab inferioribus ad superiora condescendent. Qui enim mutationem querit, fastidiosus est, scut qui profectum appetit, studiosus est. Rectissimè ergo incedit, qui sic est feruens ad melius, vt in bono non sit fastidiosus, sed sustineat prius, donec posterius tempore suo apprehendat. Modum igitur in bonis actionibus seruabis, si quando otas, tanta tranquillitate oraueris, ac si nihil tibi agendum restaret, si quando psaldis, aut in studium sacrae Scripturae incombis, aut aliquid externum operaris, tanta animi

A libertate facias, ac n̄ nihil tibi faciendum superesset. Discretio est, si opera bona, quando præceptum non initat, pro utilitate, aut ædificatione aliorum, aut omittantur, aut in aliud tempus differantur. Si quæ omnibus fratribus communia nō sunt, nō apud omnes in loco publico, sed quantum fieri poterit seorsum & in cella, aut in loco secreto fiant: Si denique eo modo exerceantur, vt nullus fratrum nostris singularitatibus offendatur. Nam opus bonum differre, vel pro utilitate aliorum in totum omittere, quando non est præceptum, non est iter perfectionis deserere, aut in illo sedere, vel sistere, sed potius alio modō secretiori currere, & in finem charitatis festinare. Quod testatur Thomas à Campis, in hec verba. Pro nulla re mundi, & pro nullius hominis dilectione, aliquod malum est faciendum, sed pro utilitate tamen indigentis, opus bonum aliquando intermittendum est, aut etiam pro meliori mutandum. Hoc enim paēto opus bonum non destruitur, sed in melius commutatur. Illud autem abscondere, quando non est omnibus nostri status communae, est impere documentum Salvatoris, Nesciat sinistra tua, quid faciat dextera tua: & nos ipsos à telis inanis gloria defendere. Vnde idem piissimus pater ait: Quām tutum pro conseruacione cœlestis gratia humanam fugere apparentiam, neque appetere, quæ fortis admiratione videntur præbere, sed ea tota sedulitate sectari, quæ vitæ emendationem dant, & feruorem. Quām multis nocuit virtus leita, ac propere laudata! Quām sanè profuit gratia silentio seruata, in hac fragili vita, quæ tota tentatio fertur, & malitia!] Et denique modum communem in operibus bonis tenere, neq; ad singularitates deflectere, neque insuetas ceremonias admittere, & charitatis bonum, utique multo pretiosius in congregacione seruare. Nescio enim quo paēto alij fratres illum auersantur, quem vident veluti communia spernere, singularitatem sectari, & sua indiscipline se ipsum à cœtu aliorum, quāsi alienum efficer. Hanc singularitatem fugere est (vt inquit Richardus) opera nostra media charitate sternere. Media hæc sunt (ait) opera de genere bonorum, opera scilicet communia, quæ & bono, & malo animo heri possunt: Sicut sunt vigilæ, ieiunia, orationes, & eleemosyna, &c. Ita debent esse conformata charitate, vt scilicet in charitate fiant, & bona intentione. Et item, vt eum charitate fraterna ita fiant, vt infirmi in his non scandalizetur, vel inffirmentur: sed ita strata sint, id est, tanta æqualitate, & discretione facta, vt incedat anima in his omnibus sine querela, & opportūne nouerit illa exercere, & iterum intermittere. Bene ista media charitate conformata erunt, si ita fuerint ordinata.] Perseuerantia est, si bonum, quod semel cœperis, numquam sine causa dimittas. Inconstantis nāque animi indicium est, cœpta relinquere, iam hoc exercitiū genus, iam illud appetere, & nūquam in aliqua bona actione cōsistere. Mane igitur semina semen tuum (inquit Ecclesiastes) & vel pere non cœset manū tua.] Mane feminas si bene incipiās, & vespere nō cessas, si quod iam cœpisti prosequaris, & nūquam leuiter derelinquas. Hanc in bono constantiam suadet Bernardus, dum cōsciētiam lectulo, & bonas actiones floribus cōfert. Ut sicut lectulus floridus est, cū ablatis marcidis floribus, alij recētes, & bene olētes succedunt, cōsciētia mūda, & quasi florida est, vt in ea Christus spōsus requiescat, quādo perfecti istis bonis actionibus, similes alias incipiās, & amore Domini inflamati quotidie quasi vitā spiritualē inchoamus. Bernardi verba sūt: Quod si lectul⁹ respersus floribus, cōsciētia est bonis reserta operib⁹, vides

Thom. à  
Camp.lib  
1 de ini-  
tia. Chria.  
c.15.Matth. 6.  
3.Idem lib.  
2.c.50.Richar. in  
cant. c.12Eccles. 1  
6.Bern. ser.  
47. in cōf.

2. Cor. 9.  
6.

certe, ut similitudo seruetur, nequaquam sufficere semel vel secundum operari, quod bonum est, nisi incessanter addas noua prioribus, quatenus lemnas in benedictionibus, de benedictionibus & metas. Alioquin iacet, & marcat flos boni operis, atque in breui omnibus ex eo nitor exterminatur, & vigor, si non alius, atque alius superiecit pietatis actibus, cotinueretur. Hec quae diximus, interim pro regula bonarum actionum seruentur; in alio loco istius tractationis, prolixius disputanda.

Ioan. 6.  
11.

3. Reg. 17.

Luc. 12.  
14.

In mediis autem actionibus, hec regula custodiatur, ut ex quibidam tantundem quis sumat, quantum dura necessitas exigit, ex aliis vero tantum accipiat, quantum prudens charitas poscit. Sunt enim duo genera actionum corporalium, alterum, quod corporibus nostris impeditur, alterum, quod proximis erogatur. Illud, ut cum mäcipio iti vilissimi cibos ministramus, indumentis ipsum fouemus, remissione reficimus, in oribus imbecillitateq; curamus. Istud, ut dum proximos alloquimur, eorum negotia tractamus, ac in necessitatibus subueniamus. Illa opera metiat necessest, ut scilicet talis sit cibus & potus, tū qualitate, tū quantitate, talis sit vestis, tū pretij vitalitate, tū pani asperitate, talis sit intermissio, & recreatio, tū raritate, tū modo, nō qualem tepidus animus, & sui oblitus exigit, sed quale religiosus status, & imbecillitas corporis, aut resumptio viri admittit. Christus enim Dominus admirabiliter vtebat mensura, quoties corpora recreabat, non alii esculentis, quā pauculis panibus hordeaceis, & piscibus in conuiuum se sequentium receptis. Et Elias corui ministerio, & iterū subsidio vidue paupercula fuit parvulo pane refectus. Ut dilecamus, qui sequimur Christum, & qui prophetarum more verbū Domini prædicamus, non ciborum lauitias, non vestium luxum, sed paruam vilissimi cibi mensuram, & asperum saccum, aut certe religiosam vestem indicē penitentia, & humilitatis ad cōtēgēndū corpus, amare.

Ista vero opera, quae vsum proximorum respiciunt, charitas moderetur. Ut nimis eas fratrum alloquiones admittamus, ea secularium negotia traetemus, his necessitatibus subueniamus, quae & statui religiosi congruant, & propria perfectioni non officiant. In quo non deest nobis Christi seruatoris, quod imitemur, exemplum. Ille nāque infirmos curabat, ignarus instruebat, verbum Patris peccatoribus annunciat, & alii huiusmodi operibus intendebat, que animabus in suum creatorem reducendis utilia erant, atque fructuosa. Cum autem quidam de turba eum ad diuisiōnem hæreditatis vocauit, cuius causa cum proprio fratre litigabat, quadam iustissima indignatione commotus, ita respondit. Homo, quis me constituit iudicem, aut diuisorem super vos? ] Et ille index viorum & mortuorum super re temporali designatur ferre sententiam, erudit nos suos milites, & lutea vita imitatores, nemetas status nostri transiientes, negotios secularibus implicemur.

O vitam omnes religiosi hanc regulam necessitatis, & charitatis attenderent, attendendo astimarent, astimando custodirent, non esset in religiosis tanta distractio, & maior esset in monasteriis perfeccio. Non frequenter religiosi lauta secularium conuiuiā, non quererent exquisitos cibos, non carnes pretiosas, & delicatas, non sapores suaves, nec proprio ventri tamquam Domino deseruerent. Abaci, & theca cilicia, & flagra reconderent, non vina, nec dulcia mina redolerent; quia haec non necessitas postulat, sed gula, & luxus affectat. Hec non sunt vita spiritualis escuenta, sed vita secularis condime-

A ta. Non tam corpus reficiunt, quam anima, & spiritali profectui officiant. Cum enim legas ( ut inquit Hugo) deliquisse Ionatham in gustu mellis, Esau in edulio lenti, Sodomitas in saturitate panis, putas ne sine periculo esse, tot carnium ferculis, tot pilicium generibus, tot frixuram diuersitatibus delectari? Nonne si differt palatiū à refectorio, sicut Ägyptus à deserto? Si igitur in deserto sumus, mirandum est, si ollas carniū fuū spiramus. ] Si necessitati religiosi subuenirent, non supereret in ueste delicias, in habitu humilitatis, minimè vanitatem requirerent, sed frigus pellere, seruareq; pudicitiam exoptaret. Quia tamē non hoc, sed blanditias concupiscentiād in habitu, (ut inquit Bernardus) non iam calor, sed color requiritur, magisq; cultui vestium, quam virtutum instauratur. Puder dicere, vincatur in suo studio mulierculæ, quando a monachis premium affectatur, in vestibus, non necessitate, nec saltem forma religionis retenta in habitu ornari: non armari appetunt milites Christi, qui dum se præparare ad præliū, & cōtra aëreas potestates prætendere paupertatis insignē debuerat (quod vtique aduersarij valde formidant) in molitiae vellimentorum pacis potius prætendentes indicium, vtrō se hostibus, sine lānguine tradunt inermes.]

Si tandem quereret charitatem, quæ à nobis ipsiis debet incipere, nō tot sustinerent mundanorum vanity colloquio, non lites seculares audirent, non nuptias, & carnalia connubia, sed spiritualia conciliarent. Non admitterent esse principes principū, gubernatores populorum, patroni delinquentium, testamēntorum executores, aduocati causarum, quia istas dissensiones non efflagitat charitas, sed tedium cellæ, lectio[n]is, & orationis exposcit. Hoc vitium Bernardus, eodem loco, non prætermisit. Video alios (air) quod non sine dolore videri debet, post agressam Christi militiam, rursus secularibus implicari negotiis, rursus cupiditatibus terrenis immergi. cū magna cura erigere muros, & negligere mores: sub prætextu quoq; communis utilitatis, verba vendere diuitiis, & matronis salutationes; sed & cōtra Imperatoris sui edictum, concupiscere aliena, & sua cū lite repeteret, non audientes Apostolum, ex imperio regis tubicinante. Hoc ipsum (inquit) delictum est in vobis, quod causas habetis, quare nō magis fraudem patimini? Itane mūdum sibi, & se mundo crucifixurāt, ut qui antea vix in suo vico, vel oppido cogniti fuerāt, modò circūantes provincias, & curias frequentes, regum notitias, principumq; familiares aequitati sunt:] Concludamus ergo, reliqua suo loco referantes; Vitam spiritualē ex fletu peccatorum, ex mortificatione vitiorum, ex cohabitione prauorum affectuum, ex acquisitione virtutū, ex iungi lectione, & frequēti oratione, & ex aliis operibus spiritualibus, quæ utilitatē animarum inseruit, esse contextam: opera vero corporalia eatenus in illa cōprehendi, quatenus iustæ necessitati, aut prudenti, & non insipienti charitati deferunt. Qui enim sic in sua vita procedit, & in statu religioso le gerit, vir spiritualis iure potest appellari. Quod his verbis Laur̄ius Iustinianus declarat. Spiritualis viros, illis arbitror esse dicendos, qui carnales habet edomitas voluptates, carnem spiritui, mentem rationi, devotioni affectum, intentionemq; animi eterna substerunt dominio sapientiæ. Hęc quippe est regula disciplinæ celestis, hęc, in qua, est spiritualis forma virorū in carne, & supra naturā spiritualiter cōversantium, & quotidie proficientium in idiplum. Tales igitur esse current, qui seculum reliquerunt, ut Domino in cordis simplicitate seruant, & vitam spiritualē, & religiosam sibi sponsam dilectam adiungant.

Hugo. 2.  
de clau.  
animi c.  
19.Bern. 10.  
4. sup.  
Miss. est.

Bern. ibid.

1. Cor. 6.  
7.I. B. lib. de  
vid. c. x. 6.

De

*De quinque gradibus vita spiritualis, qui ad incipientes pertinent.*

## C A P V T I X.

**A**CTIONES virtutis ex praedicto fine susceptae, & ad præfamat normam efformatae, nos in sanctitatem effertur, ac in mentis prouenient puritatem. Ut enim aliae artes ac scietiae iteratione propriorum actuum adiscuntur, ita haec artes præstantissima Deo famulandi, & haec vera sciencia, quæ sola homines sapientes efficit, studiosarum actionum repetitione perficitur. Et ille peritor euadit, & sanctior, qui amplius in his se exercet actionibus, ac maiori contentione laborat. Quis namque dicitur est? Nonne qui multiplicatis negotiationibus, maiora quotidie pecuniarum recondit augmenta? Et quis citius ad metu sui cursus accedit? Nonne ille qui permicioribus passibus in finem sibi destinatum contendit? Eodem prorsus modo, qui accuratius se in virtutis exercet actionibus, breuiori compendio perfectionis culmen assequitur. Hac cura bene studioseque operandi anima, non repete prodiit perfecta, sed quibusdam veluti gradibus spiritualis vita, in eius perfectionem ascendit. Cum autem terminus, ac meta huius vita sit, illa beata, & sempiterna vita, quam speramus, tales sint isti gradus necesse est; ut nos in ultimum finem euchant, & in vitam beatam exultant. Sed haec felix vita, templo illo magnifico adubrata fuit, quod pacificus Salomon in honorem, ac cultum Domini extruxit. Unde (inquit Venerabilis Beda) myterium ascensionis huius templi commemorans. Legimus, quod ad templum illud, quod Salomon ad honorum Domini edificauerat, quindecim gradibus ascendebatur, quod non vacat à mysterio. Templū enim illud præfigurabat tempū illud, quod in ecclesiī Ierusalē edificat Dominus ex viis lapidibus ad quod quasi quindecim gradibus ascēdatur.]

Idē cōfirmat Gregorius, dicens: Per quindecim vero illius tēpli gradus, spiritualis sanctoru signatur ascēsus. ] Ut ergo res gelta congruat mysterio, quindecim gradus vita spiritualis, quibus ad cœlestem vitam confunduntur, assignemus. Merito vero in huiusmodi gradibus numerum, istum admittimus, siquidem (ut docet Hieronymus) quindecim gradus sunt, per quos ad canendum Deo, & in atrio eius confundendum, iustus ascēdit. Et ideo apud Petrum quindecim diebus Paulus habitat, ut ostenderet, secum eo contulisse plenam scientiam, consummataque doctrinam. Haec autem nō est alia quam doctrina spiritus, cuius adeptione sapientes sumus, & diuinam claritatem assequimur. At quindecim gradus tēpli in tres ordines erant diuisi, ita ut post quinque gradus aliquod esset maius, & latius spatium in quo ascēdentes requiescerent, quod etiam post alios quinque gradus inueniebatur. Qua gradu distinctione nobis innuitur, gradus vita spiritualis in tres quoque ordines est: diuisos. Quorum primus ad incipientes pertinet, secundus ad proficiētes, tertius vero perfeccio confundit. Este namque in spirituali vita tres status, incipiētum, proficiētum ac perfeccorū, Gregorius satis evidenter insinuat, dicens: Tres sunt modi conuersorum, inchoatio, medietas, atque perfeccio. In inchoatione autem inueniuntur blandimenta dulcedinis, in medio quoque tempore certamina tentationis, et extrellum verō, perfeccio plenitudinis. Et alio loco: Aliud sunt virtutis exordia, aliud profectus, aliud perfeccio. ] Eosdem status Hugo Victorinus agnoscit, & in Joseph virginis spōlo, & Samuele, & Jacob presignatos existimat. Pōsūt (inquit)

A per hos tres homines, tres hominū species designari moraliter. In Joseph incipiētum, in Samuele proficiētum, in Jacob perfectorum. Monetur incipiēs, ut fugiat, docetur proficiēs, ut corripiat, invitatur perfectus, ut recipiat. Joseph, inquam, cui dicitur, ut cum puer, & matre fugiat in Ægyptum, incipiētes signat, qui mundum debent fugere, & à terrenis sollicitudinibus declinare. Samuel vero, qui ascendit in Silo, & moratur in templo, denotat proficiētes, qui habitat in templo cum cor suū sanctis meditationibus exercēt, aperiunt ostia tēpli, cum alias docent: loquuntur ad Heli, cum de emendatione fratru prelatum monēt: & regūt multitudinem, cum subditos disciplinæ lege coērent. Jacob denique qui fili⁹ est Isaac, & Rebeccæ, perfectos significat, qui gaudij spiritualis, & patientiæ temporalis sunt filii, & gaudiū habent in contemplatione, ac patientiæ virtutē in tribulatione. ] Hęc omnia Hugo, & alia multa latissime. Meminit, & horum trium statuum Beatus Maximus, dicens: Scriptura sacra hos qui introducent, & ad vestibula diuinæ virtutū ait, prostrāt, vocat, inducunt; eos autem qui comparauerunt habitū verborum, & morum, virtutē conguitum, nouit appellare proficiētes: at qui per cognitionem iam peruererunt ad fastigium virtutis experimentis veritatis, illos nuncupat perfectos. Quod si in singulis tēpli gradibus, singulos Psalms sacerdotes cōcinebāt: ut fert Hebræorū traditio, ut magis sedi Domini appropinquantes aliquid perfectius postularēt. Videamus & nos an primos horū quindecim Psalmorum versiculos, quos graduales vocamus, singulis possimus vitæ spiritualis gradibus adaptare. Multa enim sūt in diuinis literis oculata mysteria, que Dominus quādo vult, & quib⁹ vult aperit, & aliquādo ignorantes illustrat, si propriam ignorantiam agnoscētes, & imperitiam confitentes, diuinū auxilium implorēt.

C Incipientes ergo in via spiritus sunt, qui vitæ spiritualiē incipiūt, & à malis vita carnalis recedunt, & hi quinque primos gradus concēdunt. Primus gradus est, cū diuina amicitia, & familiaritatē magnitudine allecti, grauiā peccata deserunt, & à Deo pergratue crimen numquā separari proponunt, firmissimèque hanc spiritualem mortem vitare decernunt. Et merito hanc primam vitæ spiritualis gradum vocamus, nam qui infidelium Israëlitarum more claudicant in duas partes, & iam sequuntur Dominum, iam procumbentes ante aras Bahal, diabolum venerantur, nec dum vite huius iter incepérunt, neque ad primum gradum peruererunt. Egregiè nāque dixit Leo Papa: Morientum est diabolo, & vivendum Deo, deficiendam inquirati, ut iustitia resurgatur, occumbant vetera, ut oriantur noua. ] Et volentibus ad vitam ingredi primū proponit Dominus, ut seruē mandata, nam sine mandatorum custodia ad gehennam itur, non in cœlestem patriam confunditur. Hunc primū gradum assequita est Magdalena, cū cognoscēs Dominum accusuisse in domo Pharisæi, & ad abluendos, & vngendos illius pedes preparauit, & vitam veterem abdicare disposita. Beata illa, que tam velociter festinavit, nam in primo perfecciois gradu ad Domini pedes accessit, & ad postremū eucta recessit. Hunc gradum, qui cupit oculis in cœlum defixis, ita desideria sui cordis exponat. Ad Dominum cū tribularer clamauit, & exaudiuit me. Domine, libera animā meā a labiis iniquis, & a lingua doloſa. ] Haec enim est maxima tribulatio, criminibus subiacere, quæ non propriis viribus, sed auxilio Domini vincenda est. Ipse enim est eripiens nos à labiis iniquis Diaboli, qui nos decipiebat, & à lingua dolo-

Maxi-  
mus se. 1.  
de virtute  
& piso.  
c. 68.

Leo ser. 1.  
de re sur-  
ret.  
Mart. 19.  
17.

Luc. 7.  
37.

Psal. 119.  
1.2.